

**თბილისის სახელმწიფო სამედიცინო უნივერსიტეტის
სტუდენტური თვითმმართველობის დებულება**

თავი I

**ზოგადი დებულებები
მუხლი 1.**

1. თბილისის სახელმწიფო სამედიცინო უნივერსიტეტის სტუდენტური თვითმმართველობა (შემდგომში სტუდენტური თვითმმართველობა) არის უნივერსიტეტის შემადგენლობაში არსებული სტუდენტთა წარმომადგენლობითი ორგანო, დამოუკიდებელი სტრუქტურული ერთეულებითა და მართვის ორგანოებით, რომელიც ახორციელებს „უმაღლესი განათლების“ შესახებ საქართველოს კანონით, უნივერსიტეტის წესდებითა და წინამდებარე დებულებით გათვალისწინებულ უფლებამოსილებებს, როგორც უნივერსიტეტის შიგნით, ისე მის გარეთ.
2. სტუდენტური თვითმმართველობა არ წარმოადგენს იურიდიულ პირს.

მუხლი 2.

1. სტუდენტური თვითმმართველობა შედგება საყოველთაო, თანასწორი და პირდაპირი საარჩევნო უფლების საფუძველზე, ფარული კენჭისყრით, 2 წლის ვადით არჩეული 126 დელეგატისაგან.

მუხლი 3.

1. სტუდენტური თვითმმართველობა უფლებამოსილების განხორციელებისას დამოუკიდებელია და მის საქმიანობაში ჩარევა ან მასზე რაიმე სახის ზემოქმედების მოხდენა უნივერსიტეტის ადმინისტრაციის ან ნებისმიერი სხვა პირის მხრიდან დაუშვებელია, გარდა კანონით გათვალისწინებული შემთხვევებისა.

მუხლი 4.

1. სტუდენტური თვითმმართველობის ადგილსამყოფელია საქართველო, თბილისი, ვაჟა ფშაველას №33, ადმინისტრაციული, ოთახი №406, 407,415,416.

მუხლი 5.

1. სტუდენტურ თვითმმართველობას, უნივერსიტეტის ადმინისტრაციასთან შეთანხმებით, აქვს საკუთარი ბეჭედი, შტამპი და დებულებით გათვალისწინებული სხვა ატრიბუტიკა.

მუხლი 6.

1. წინამდებარე დებულებაში გამოყენებულ ტერმინებს აქვთ შემდეგი მნიშვნელობა:
 - ა) უნივერსიტეტი - თბილისის სახელმწიფო სამედიცინო უნივერსიტეტი;
 - ბ) სტუდენტი - პირი, რომელიც „უმაღლესი განათლების“ შესახებ საქართველოს კანონითა და უმაღლესი საგანმანათლებლო სასწავლებლის წესდებით განსაზღვრული წესით ჩაირიცხა ბაკალავრიატის, მაგისტრატურის ან დოქტორანტურის პროგრამის გასაუფლებლად;
 - გ) სტუდენტური თვითმმართველობა - თბილისის სახელმწიფო სამედიცინო უნივერსიტეტის სტუდენტების წარმომადგენლობითი ორგანო;
 - დ) უნივერსიტეტის ადმინისტრაცია - თბილისის სახელმწიფო სამედიცინო უნივერსიტეტის ყველა რგოლის მმართველობითი ორგანო, რომელიც ახორციელებს უნივერსიტეტის მართვას,

ადმინისტრირებას და სასწავლო პროცესს;

ე) ფაკულტეტი - თბილისის სახელმწიფო სამედიცინო უნივერსიტეტის ძირითადი სასწავლო სამეცნიერო და ადმინისტრაციული ერთეული, რომელიც უზრუნველყოფს სტუდენტთა მომზადებას ერთ ან რამდენიმე სპეციალობაში და მათთვის შესაბამისი აკადემიური ხარისხის მინიჭებას;

ვ) ფაკულტეტის საბჭო - უნივერსიტეტის შესაბამის ფაკულტეტზე არსებული წამომადგენლობითი ორგანო, რომელიც შედგება ამ ფაკულტეტის აკადემიური პერსონალისა და სტუდენტური თვითმმართველობის წევრებისგან;

ზ) საფაკულტეტო საბჭო - უნივერსიტეტის შესაბამისი ფაკულტეტის სტუდენტთა წარმომადგენლობითი ორგანო, რომელიც შედგება სტუდენტურ თვითმმართველობაში არჩეული დელეგატებისგან;

თ) გენერალური ასამბლეა - სტუდენტური თვითმმართველობის მმართველობის უმაღლესი ორგანო, რომელიც შედგება უნივერსიტეტის ყველა ფაკულტეტიდან არჩეული დელეგატებისგან;

ი) პრეზიდენტი - სტუდენტური თვითმმართველობის უმაღლესი თანამდებობის პირი;

კ) დეპარტამენტი - კონკრეტულ სფეროში დასახული მიზნების აღსრულებისათვის შექმნილი სტუდენტური თვითმმართველობის ადმინისტრაციული ორგანო;

ლ) მონიტორინგის სამსახური - სტუდენტური თვითმმართველობის ორგანოების მაკონტროლებელი ორგანო;

მ) დებულება - სტუდენტური თვითმმართველობის ძირითადი სამართლებრივი აქტი, რომლითაც განისაზღვრება სტუდენტური თვითმმართველობის სტრუქტურა და საქმიანობის წესი.

თავი II

სტუდენტური თვითმმართველობის მიზნები და უფლება-მოვალეობები

მუხლი 7.

1. სტუდენტური თვითმმართველობის მიზნებია:

ა) თავისი უფლებამოსილების ფარგლებში, დაიცვას და წარმოადგინოს სტუდენტების უფლებები და კანონიერი ინტერესები როგორც უნივერსიტეტში, ისე მის ფარგლებს გარეთ;

ბ) თავისი უფლებამოსილების ფარგლებში, ხელი შეუწყოს სტუდენტებს უფლებებისა და თავისუფლებების პრაქტიკულ რეალიზაციაში;

გ) დახმარება გაუწიოს სტუდენტებს სწავლის პერიოდში, პროფესიული უნარ-ჩვევების შეძენასა და კონკურენტუნარიან პროფესიონალად ჩამოყალიბებაში;

დ) შექმნას ოპტიმალური პირობები სტუდენტთა დასვენების, შრომითი მოღვაწეობის ან სხვა მოთხოვნილებების დასაკმაყოფილებლად, გაამრავალფეროვოს სტუდენტური ცხოვრება.

მუხლი 8

1. სტუდენტური თვითმმართველობა თავისი უფლებამოსილების ფარგლებში:

ა) იცავს და წარმოადგენს უნივერსიტეტის სტუდენტთა უფლებებსა და კანონიერ ინტერესებს;

ბ) უზრუნველყოფს უნივერსიტეტის სტუდენტთა უფლებებისა და კანონიერი ინტერესების განხორციელებას;

გ) უნივერსიტეტის ადმინისტრაციასთან თანასწორუფლებიანი თანამშრომლობის საფუძველზე წყვეტს სასწავლო პროცესთან და მატერიალურ მხარესთან დაკავშირებულ საკითხებს;

დ) პერიოდულად ახდენს უნივერსიტეტის აკადემიური პერსონალის მუშაობის შეფასებას და შედეგებს წარუდგენს ფაკულტეტის საბჭოსა ან/და წარმომადგენლობით საბჭოს;

ე) გვემავს, ორგანიზებას უწევს და ახორციელებს სტუდენტთა დასვენების, შრომითი მოღვაწეობისა და სხვა მოთხოვნილებების დასაკმაყოფილებლად შეხვედრებს, დებატებს,

დისკუსიებს, ტრენინგებს, ინტელექტუალურ თამაშებს, საგანმანათლებლო-სამეცნიერო, კულტურულ, სპორტულ, გასართობ და კანონით ნებადართულ სხვა სახის ღონისძიებებს;

ვ) უზრუნველყოფს უნივერსიტეტის სტუდენტების აქტიურ მონაწილეობას სახელმწიფოს ინტერესების განხორციელების პროცესში;

ზ) თანამშრომლობს სხვა საუნივერსიტეტო, სამთავრობო და არასამთავრობო, სახელმწიფო და საერთაშორისო ორგანიზაციებთან, აგრევე გაერთიანებებთან;

თ) გააჩნია კავშირი საქართველოსა და უცხოეთის უმაღლესი სასწავლებლების სტუდენტურ ორგანიზაციებთან და საერთაშორისო სტუდენტურ გაერთიანებებთან;

ი) სტუდენტური თვითმმართველობა მიზნების მისაღწევად ახორციელებს „უმაღლესი განათლების“ შესახებ საქართველოს კანონით, უნივერსიტეტის წესდებითა და ამ დებულებით გაუთვალისწინებელ სხვა უფლებამოსილებებს.

კ) სტუდენტური თვითმმართველობა თავის საქმიანობას ახორციელებს „სტუდენტური თვითმმართველობების განვითარების კომისიის“ მიერ შემუშავებული ეთიკის კოდექსის შესაბამისად. (იხ.დანართი)

მუხლი 9.

სტუდენტური თვითმმართველობის დაფინანსების წყაროებია:

- ა) უნივერსიტეტის ბიუჯეტი და სპეც-სახსრებიდან მიღებული შემოსავალი;
- ბ) ნებაყოფლობითი შემოწირულობები;
- გ) მესამე პირის მიერ გადმოცემული ქონება, რომლის მართვაც ხორციელდება უნივერსიტეტის ადმინისტრაციასთან შეთანხმებით
- დ) კანონით ნებადართული სხვა შემოსავლები

თავი III

სტუდენტური თვითმმართველობის დელეგატი

მუხლი 10.

1. სტუდენტური თვითმმართველობის დელეგატი არის საარჩევნო დებულებით დადგენილი წესით სტუდენტურ თვითმმართველობაში არჩეული სტუდენტი.
2. სტუდენტური თვითმმართველობის დელეგატი არის თავისი ფაკულტეტის წარმომადგენელი, რომელიც თავის უფლებამოსილებას ახორციელებს პირადად.
3. სტუდენტური თვითმმართველობის დელეგატად შეიძლება არჩეულ იქნეს მხოლოდ უნივერსიტეტის სტუდენტი, რომელიც ამავდროულად არ იკავებს უნივერსიტეტში რაიმე ადმინისტრაციულ თანამდებობას.

მუხლი 11.

1. სტუდენტური თვითმმართველობის დელეგატის უფლებამოსილების ვადა განისაზღვრება არჩევიდან მომდევნო მოწვევის სტუდენტური თვითმმართველობის გენერალურ ასამბლეის პირველ სხდომამდე.

მუხლი 12.

1. სტუდენტური თვითმმართველობის დელეგატის უფლებამოსილება იწყება მისი არჩევის მომენტიდან და მთავრდება ახალარჩეული დელეგატების პირველი შეკრებისთანავე.

1. სტუდენტური თვითმმართველობის გენერალური ასაბლეა უფლებამოსილია, თუ მას ესწრება სრული შემადგენლობის ნახევარზე მეტი.
2. სტუდენტური თვითმმართველობის გენერალური ასაბლეს სხდომებს თავმჯდომარეობს სტუდენტური თვითმმართველობის პრეზიდენტი.

მუხლი 22.

სტუდენტური თვითმმართველობის გენერალური ასაბლეა:

- ა) ირჩევს სტუდენტური თვითმმართველობის პრეზიდენტს ;
- ბ) სტუდენტური თვითმმართველობის პრეზიდენტის წარდგინებით, დამსწრეთა შემადგენლობის უმრავლესობით ამტკიცებს სტუდენტური თვითმმართველობის ვიცე-პრეზიდენტებს;
- გ) დამსწრეთა შემადგენლობის უმრავლესობით ამტკიცებს ფაკულტეტის საბჭოს წევრებს მონიტორინგის საბჭოს შემადგენლობას.
- დ) სრული შემადგენლობის 2/3-ით იღებს სტუდენტური თვითმმართველობის დებულებას;
- ე) პრეზიდენტის წარდგინებით ამტკიცებს დეპარტამენტების თავმჯდომარეებს;
- ზ) პრეზიდენტის წარდგინებით ამტკიცებს სამსახურების ხელმძღვანელებს;

თავი VI

სტუდენტური თვითმმართველობის პრეზიდენტი

მუხლი 23.

სტუდენტური თვითმმართველობის პრეზიდენტი არის სტუდენტური თვითმმართველობის უმაღლესი თანამდებობის პირი, რომელიც უძღვება გენერალური ასამბლეს სხდომებს და წარმოადგენს სტუდენტურ თვითმმართველობას მესამე პირებთან ურთიერთობებში.

მუხლი 24.

1. სტუდენტური თვითმმართველობის პრეზიდენტი აირჩევა გენერალური ასამბლეს მიერ 2 წლის ვადით სრული შემადგენლობის უმრავლესობით, ფარული კენჭისყრის საფუძველზე.
2. სტუდენტური თვითმმართველობის პრეზიდენტის კანდიდატურის დაყენების უფლება აქვს სტუდენტური თვითმმართველობის დელეგატების არანაკლებ 1/5-ს.
3. სტუდენტური თვითმმართველობის პრეზიდენტი აირჩევა დელეგატთა სრული შემადგენლობის უმრავლესობით

მუხლი 25.

1. იმ შემთხვევაში, თუ ვერცერთმა კანდიდატმა ვერ დააგროვა არჩევისთვის ხმათა საკმარისი რაოდენობა, იმავე დღეს ინიშნება მეორე ტური, რომელშიც კენჭი ეყრება ორ საუკეთესო შედეგების მქონე კანდიდატს.
2. იმ შემთხვევაში, თუ მეორე ტურშიც ვერცერთმა კანდიდატმა ვერ დააგროვა არჩევისთვის ხმათა საკმარისი რაოდენობა, ხუთი დღის ვადაში ტარდება ხელახალი არჩევნები.
3. იმ შემთხვევაში, თუ არჩევნებში მონაწილეობს ერთი კანდიდატი, რომელიც ვერ დააგროვებს არჩევისთვის ხმათა საკმარის რაოდენობას, 5 დღის ვადაში ტარდება ხელახალი არჩევნები.

მუხლი 26.

სტუდენტური თვითმმართველობის პრეზიდენტი უნდა იყოს სტუდენტურ თვითმმართველობაში არჩეული დელეგატი, რომელიც არის საქართველოს მოქალაქე, ქმედუნარიანი და არ იკავებს უნივერსიტეტში რამე ადმინისტრაციულ თანამდებობას,

მუხლი 27.

1. სტუდენტური თვითმმართველობის პრეზიდენტის უფლებამოსილება იწყება მისი არჩევის მომენტიდან და წყდება ახალი პრეზიდენტის არჩევისთანავე.
2. ახალი პრეზიდენტის არჩევისთანავე წინა მოწვევის სტუდენტური თვითმმართველობის ყველა ორგანოსა და თანამდებობის პირს უწყდება უფლებამოსილება.

მუხლი 28.

1. სტუდენტური თვითმმართველობის პრეზიდენტის უფლებამოსილების ვადამდე ადრე შეწყვეტის საფუძველია:
 - ა) პირადი განცხადება;
 - ბ) სტუდენტის სტატუსის შეწყვეტა;
 - გ) მოქალაქეობის დაკარგვა;
 - დ) იმპიჩმენტის წესით თანამდებობიდან გადაყენება;
 - ე) სასამართლოს მიერ ქმედუნარიანად, უზოუკვლოდ დაკარგულად ან გარდაცვლილად გამოცხადება;
 - ვ) გარდაცვალება.
2. პრეზიდენტის უფლებამოსილების ვადამდე ადრე შეწყვეტის შემთხვევაში, მის ადგილს იკავებს პირველი ვიცე-პრეზიდენტი.

მუხლი 29.

1. საქართველოს კანონმდებლობის, უნივერსიტეტის წესდების ან/და ამ დებულების უხეში დარღვევის შემთხვევაში, სტუდენტური თვითმმართველობის დელეგატთა არანაკლებ 1/4-ს შეუძლია გენერალური ასამბლეის დღის წესრიგში დააყენოს სტუდენტური თვითმმართველობის პრეზიდენტის იმპიჩმენტის საკითხი. პრეზიდენტი გადაყენებულად ჩაითვლება, თუ საკითხს მხარს დაუჭერს გენერალური ასამბლეის შემადგენლობის უმრავლესობა.

მუხლი 30.

1. სტუდენტური თვითმმართველობის პრეზიდენტი:
 - ა) ხელმძღვანელობს სტუდენტურ თვითმმართველობას;
 - ბ) დებულებით გათვალისწინებულ შემთხვევებში იწვევს გენერალური ასამბლეას და სტუდენტური თვითმმართველობის აღმასრულებელ საბჭოს;
 - გ) უძღვება გენერალური ასამბლეას და სტუდენტური თვითმმართველობის აღმასრულებელ საბჭოს სხდომებს;
 - დ) წარმოადგენს სტუდენტურ თვითმმართველობას უნივერსიტეტის ხელმძღვანელ ორგანოებსა და მესამე პირებთან ურთიერთობებში;
 - ე) სტუდენტური თვითმმართველობის სახელით ხელს აწერს ოფიციალურ ფინანსურ და იურიდიულ დოკუმენტებს;
 - ვ) ხელს აწერს გენერალური ასამბლეის სამართლებრივ აქტებს;
 - ზ) კოორდინაციას უწევს სტუდენტური თვითმმართველობის ორგანოთა საქმიანობას;
 - თ) ხელს აწერს მონიტორინგის სამსახურის დასკვნას სტუდენტური თვითმმართველობის

- დელეგატისთვის უფლებამოსილების ვადამდე ადრე შეწყვეტის თაობაზე;
- ი) გენერალურ ასამბლეას დასამტკიცებლად წარუდგენს ვიცე-პრეზიდენტების კანდიდატურებს;
 - კ) უფლებამოსილია გადააყენოს ვიცე-პრეზიდენტები და პრეზიდენტის მიერ დანიშნული სხვა პირები დაკავებული თანამდებობებიდან და გენერალური ასამბლეის შეკრებამდე დანიშნოს საკუთარი წარმომადგენელი;
 - ლ) აკომპლექტებს სტუდენტური თვითმმართველობის პრეზიდენტის აპარატს;
 - მ) აკომპლექტებს პრეზიდენტის მრჩეველთა საბჭოს და ნიშნავს მის თავმჯდომარეს;
 - ნ) ანიჭებს სტუდენტური თვითმმართველობის საპატიო წევრის წოდებას;
 - ო) აყალიბებს სტუდენტური თვითმმართველობის ცენტრალურ საარჩევნო კომისიას არჩევნებში მონაწილე საინიციატივო ჯგუფების და სტუდენტური ორგანიზაციების თითო წარმომადგენლით, ასევე წარმომადგენლობით საბჭოში შემავალი ერთი სტუდენტის შემადგენლობით.
 - პ) უფლებამოსილია საკუთარი ინიციატივით უფლებამოსილების ვადამდე ადრე შეწყვეტის შემთხვევაში სტუდენტური თვითმმართველობის პრეზიდენტის მოვალეობის შემსრულებლად გენერალური ასამბლეის შეკრებამდე დანიშნოს დელეგატი;
 - ჟ) ახორციელებს ამ დებულებით გათვალისწინებულ სხვა უფლებამოსილებებს, რომლებიც არ ეწინააღმდეგება საქართველოს კანონმდებლობას ან/და უნივერსიტეტის წესდებას.

მუხლი 31.

1. სტუდენტური თვითმმართველობის პრეზიდენტი ვალდებულია:
- ა) 6 თვეში ერთხელ უნივერსიტეტის ადმინისტრაციას წარუდგინოს ანგარიში სტუდენტური თვითმმართველობის ორგანოების საქმიანობის შესახებ;
 - ბ) დაიცვას სტუდენტური თვითმმართველობის დელეგატისთვის აუცილებელი მოთხოვნები.
 - გ) ხელი შეუწყოს არადელეგატი სტუდენტების ინიციატივების განხილვას და შემდგომ განხორციელებას
 - დ) დაიცვას სტუდენტების ინტერესების სასწავლო პროცესში
 - ე) სტუდენტური თვითმმართველობის სახელით არ განახორციელოს რომელიმე პოლიტიკური პარტიის მხარდამჭერი განცხადება ან აქცია
 - ვ) უზრუნველყოს სამართლიანი წინასაარჩევნო და საარჩევნო პროცესი
 - ზ) მოახდინოს უნივერსიტეტის სასწავლო პროცესებში სტუდენტური ინტერესების ლობირება
 - თ) სტუდენტური თვითმმართველობის დებულებით გათვალისწინებული სხვა ამოცანების შესრულება.

მუხლი 32.

1. უფლებამოსილების უკეთ განხორციელების მიზნით სტუდენტური თვითმმართველობას ჰყავს სამი ვიცე-პრეზიდენტი:
- ა). პირველი ვიცე-პრეზიდენტი ხელს უწყობს სტუდენტური თვითმმართველობის პრეზიდენტის უფლება-მოვალეობების განხორციელებას საფაკულტეტო საბჭოების დონეზე და საფაკულტეტო საბჭოების კოორდინაციას. პრეზიდენტის თანხმობის შემთხვევაში, უფლება აქვს სტუდენტური თვითმმართველობის სახელით ხელი მოაწეროს და გააფორმოს ოფიციალური ფინანსური და იურიდიული დოკუმენტები.
 - ბ). მეორე ვიცე-პრეზიდენტი ხელს უწყობს სტუდენტური თვითმმართველობის პრეზიდენტის უფლება-მოვალეობების განხორციელებას დეპარტამენტების დონეზე და უზრუნველყოფს დეპარტამენტების კოორდინაციას. პრეზიდენტის თანხმობის შემთხვევაში, უფლება აქვს სტუდენტური თვითმმართველობის სახელით ხელი მოაწეროს და გააფორმოს ოფიციალური ფინანსური და იურიდიული დოკუმენტები.
 - გ). მესამე ვიცე-პრეზიდენტი ხელს უწყობს სტუდენტური თვითმმართველობის პრეზიდენტის

უფლება-მოვალეობების განხორციელებას სამსახურების დონეზე და უზრუნველყოფს სტუდენტური თვითმმართველობის სამსახურების კოორდინაციას.

დ). თუ საინიციატივო ჯგუფს ან სტუდენტურ ორგანიზაციას წარმოდგენილი ჰყავს გენერალური ასამბლეაში წევრების არანაკლებ 1/3, პრეზიდენტი ვალდებულია გენერალურ ასამბლეას ერთ-ერთ ვიცე-პრეზიდენტად წარუდგინოს აღნიშნული ორგანიზაციის წარმომადგენელი.

მუხლი 33.

1. სტუდენტური თვითმმართველობის პრეზიდენტი თავისი უფლებამოსილებისა და საქმიანობის უკეთ წარმართვის მიზნით ქმნის პრეზიდენტის მრჩეველთა საბჭოს, რომელიც კონსულტაციას უწევს და აცნობს პრეზიდენტს ინფორმაციას უნივერსიტეტში მიმდინარე მოვლენების, სტუდენტური ცხოვრებისა და სტუდენტური საზოგადოებისათვის აქტუალური საკითხების შესახებ და სთავაზობს მათი გადაწყვეტის გზებს.
2. სტუდენტური თვითმმართველობის პრეზიდენტის მრჩეველთა საბჭო ანგარიშვალდებულია მხოლოდ სტუდენტური თვითმმართველობის პრეზიდენტის წინაშე.
3. სტუდენტური თვითმმართველობის პრეზიდენტის მრჩეველთა საბჭო იკრიბება თვეში ერთხელ და განიხილავს იმ განცხადებებს, რომელიც ეხება სტუდენტთა უფლებების დარღვევას და შესაბამის დასკვნას წარუდგენს თვითმმართველობის პრეზიდენტს;

თავი VII

სტუდენტური თვითმმართველობის პრეზიდენტის აპარატი

მუხლი 34.

1. სტუდენტური თვითმმართველობის პრეზიდენტის აპარატი სტუდენტური თვითმმართველობის სახელით აკეთებს ოფიციალურ განცხადებებს, საჭიროების შემთხვევაში მობილიზებას უწევს ყურნალისტთა კორპუსს, სტუდენტურ საზოგადოებასა და დაინტერესებულ პირებს აცნობს და რეკლამირებას უწევს სტუდენტური თვითმმართველობის საქმიანობას, დაგეგმილ და ჩასატარებელ ღონისძიებებს.

მუხლი 35.

1. პრეზიდენტის აპარატი შედგება თვითმმართველობის პრეზიდენტის მიერ დანიშნული დელეგატებისაგან, რომლებიც ეხმარებიან პრეზიდენტს უფლებამოსილების განხორციელებაში

მუხლი 36.

1. პრეზიდენტის აპარატის წერილების მიმართულება განიხილავს და ამზადებს სტუდენტური თვითმმართველობის სახელზე შემოსულ განცხადებებს, სხვა დოკუმენტაციას და ხელმოსაწერად უგზავნის სტუდენტური თვითმმართველობის პრეზიდენტს;
2. პრეზიდენტის აპარატი ორგანიზებას უწევს სტუდენტური თვითმმართველობის ორგანოთა სამართლებრივი აქტების მომზადებას, მათ სისტემატიზაციასა და საჯაროობას, კონსულტაციას უწევს სტუდენტური თვითმმართველობის ორგანოებს სამართლებრივი აქტებისა და სხვა სახის დოკუმენტების მომზადებაში, სხვადასხვა სამართლებრივ საკითხებში გარკვევაში. თავის კომპეტენციას მიკუთვნებულ საკითხებთან დაკავშირებით, თანამშრომლობს უნივერსიტეტის ადმინისტრაციასთან.

3. პრეზიდენტის აპარატი სტუდენტებსა და დაინტერესებულ პირებს აცნობს და რეკლამირებას უწევს სტუდენტური თვითმმართველობის საქმიანობას, საჭიროების შემთხვევაში მობილიზებას უწევს ჟურნალისტთა კორპუსს.

VIII მონიტორინგის საბჭო

მუხლი 37.

- სტუდენტური თვითმმართველობის მონიტორინგის საბჭო არის სტუდენტური თვითმმართველობის ორგანოების მაკონტროლებელი ორგანო, რომელიც შედგება მონიტორინგის საბჭოს უფროსის, მისი მოადგილეებისა და დელეგატებისაგან;
- სტუდენტური თვითმმართველობის მონიტორინგის საბჭოს წევრები დაკომპლექტებულია გენერალურ ასამბლეაში წარმოდგენილი საინიციატივო ჯგუფების და სტუდენტური ორგანიზაციების თითო წარმომადგენელით.
- სტუდენტური თვითმმართველობის მონიტორინგის საბჭო:
 - ამოწმებს წინადადებებისა და პროექტის აღსრულებისათვის გათვალისწინებული ხარჯების აუცილებლობას;
 - ზედამხვედველობს დაფინანსებული წინადადების ან/და პროექტის მიმდინარეობას;
 - ახორციელებს სამართლებრივ კონტროლს;
 - ზედამხვედველობს დელეგატების მიერ ამ დებულების დაცვას და მათზე დაკისრებული უფლება-მოვალეობების შესრულებას;
 - ზედამხვედველობს მართვის ორგანოების მიერ მათზე დაკისრებული უფლებამოვალეობებისა და ამ დებულების შესრულებას;
 - 3 თვეში ერთხელ აწარმოებს სტუდენტური თვითმმართველობის მართვის ორგანოების სამართლებრივი აქტებისა და სხვა დოკუმენტაციის რევიზიას;
 - ახორციელებს ამ დებულებით გათვალისწინებულ სხვა ფინანსურ და სამართლებრივ კონტროლს, რომელიც არ ეწინააღმდეგება სტუდენტური თვითმმართველობის დებულებას.
 - პერიოდულად ახდენს უნივერსიტეტის აკადემიური პერსონალისა და ადმინისტრაციული პერსონალის მუშაობის შეფასებას და შედეგებს წარუდგენს ფაკულტეტის საბჭოსა ან/და წარმომადგენლობით საბჭოს;
- მონიტორინგის საბჭოს წევრს არ შეიძლება ეკავოს სტუდენტურ თვითმმართველობაში ნებისმიერი სხვა თანამდებობა.

თავი IX

სტუდენტური თვითმმართველობის საფაკულტეტო საბჭო

მუხლი 38.

- სტუდენტური თვითმმართველობის საფაკულტეტო საბჭო არის სტუდენტური თვითმმართველობის წარმომადგენლობითი ორგანო, რომელიც შედგება ამ ფაკულტეტიდან სტუდენტურ თვითმმართველობაში არჩეული ყველა დელეგატისაგან.
- სტუდენტური თვითმმართველობის საფაკულტეტო საბჭოს ხელმძღვანელობს სტუდენტური თვითმმართველობის საფაკულტეტო საბჭოს თავმჯდომარე, რომელიც აირჩევა საფაკულტეტო საბჭოს სრული შემადგენლობის უმრავლესობით.

მუხლი 39.

1. საფაკულტეტო საბჭო იკრიბება არანაკლებ თვეში ერთხელ.
2. საფაკულტეტო საბჭო უფლებამოსილია, თუ მას ესწრება სრული შემადგენლობის ნახევარზე მეტი.
3. საფაკულტეტო საბჭო გადაწყვეტილებას იღებს დამსწრეთა შემადგენლობის უმრავლესობით.
4. საფაკულტეტო საბჭოს სხდომებს უძღვება საფაკულტეტო საბჭოს თავმჯდომარე, ხოლო მისი არყოფნის შემთხვევაში - თავმჯდომარის ერთ-ერთი მოადგილე.
5. ხმების გაყოფის შემთხვევაში, გადამწყვეტია საფაკულტეტო საბჭოს თავმჯდომარის ხმა.

მუხლი 40.

1. სტუდენტური თვითმმართველობის საფაკულტეტო საბჭოს მოიწვევს:
 - ა) სტუდენტური თვითმმართველობის საფაკულტეტო საბჭოს თავმჯდომარე თავისი ინიციატივით;
 - ბ) სტუდენტური თვითმმართველობის საფაკულტეტო საბჭოს თავმჯდომარე საფაკულტეტო საბჭოს სრული შემადგენლობის 1/3-ის მოთხოვნით.
 - გ) თვითმმართველობის პრეზიდენტი ან მასთან შეთანხმებით ვიცე პრეზიდენტი.

მუხლი 41.

1. სტუდენტური თვითმმართველობის საფაკულტეტო საბჭო:
 - ა) ამტკიცებს სტუდენტური თვითმმართველობის საფაკულტეტო საბჭოს თავმჯდომარის მიერ წარმოდგენილ თავმჯდომარის 2 მოადგილეს;
 - ბ) ამტკიცებს თავმჯდომარის მიერ წარმოდგენილ სტუდენტური თვითმმართველობის საფაკულტეტო საბჭოს სხდომათა მდივანს;
 - გ) ათავისუფლებს თავმჯდომარეს, თავმჯდომარის მოადგილეებსა და სხდომათა მდივანს დაკავებული თანამდებობებიდან, სრული შემადგენლობის არანაკლებ 2/3-ის უმრავლესობით;
 - დ) იღებს სტუდენტთა პროექტებსა და წინადადებებს, განიხილავს მათ და მიზანშეწონილობის შემთხვევაში უგზავნის თვითმმართველობის პრეზიდენტს;
 - ე) ოპერატიულად წყვეტს სტუდენტური თვითმმართველობის კომპეტენციას მიკუთვნებულ საკითხებს, რომლებიც წამოიჭრება ფაკულტეტზე და რომლებიც ითხოვს სწრაფ რეაგირებას;
 - ვ) ახორციელებს სხვა უფლებამოსილებებს, რომლებიც არ ეწინააღმდეგება ამ დებულებას.

მუხლი 42.

1. სტუდენტური თვითმმართველობის საფაკულტეტო საბჭოს შეეკრება ფორმდება სხდომის ოქმით, რომელსაც ხელს აწერს თავმჯდომარე და სხდომის მდივანი.

თავი X

სტუდენტური თვითმმართველობის დეპარტამენტი

მუხლი 43.

1. სტუდენტური თვითმმართველობის დეპარტამენტი არის კონკრეტულ სფეროში დასახული მიზნების განხორციელებისათვის შექმნილი სტუდენტური თვითმმართველობის აღმასრულებელი ორგანო.

მუხლი 44.

1. დეპარტამენტი შედგება დეპარტამენტის თავმჯდომარის, თავმჯდომარის 3 მოადგილისა და დელეგატებისაგან, რომლებიც ახორციელებენ დეპარტამენტის მართვას და რომელთაც დეპარტამენტში სათათბირო ხმის უფლება გააჩნიათ, აგრეთვე, სხვა სტუდენტებისაგან, რომლებიც არ წარმოადგენენ სტუდენტური თვითმმართველობის დელეგატებს.
2. დეპარტამენტის თავმჯდომარე, თავმჯდომარის 3 მოადგილე და დეპარტამენტებში შემავალი დელეგატები მტკიცდებიან გენერალურ ასამბლეაზე
3. დეპარტამენტი უზრუნველყოფს არადელეგატი სტუდენტების მიერ წარმოდგენილი პროექტების დამუშავებას და მის განხორციელებაში ხელშეწყობას.
4. დეპარტამენტი უფლებამოსილია, თუ მას ესწრება სრული შემადგენლობის ნახევარზე მეტი.
5. დეპარტამენტი გადაწყვეტილებებს იღებს დამსწრეთა შემადგენლობის უმრავლესობით.

მუხლი 45.

1. სტუდენტური თვითმმართველობის დეპარტამენტის სხდომა ტარდება ორ კვირაში ერთხელ და მას უძღვება დეპარტამენტის თავმჯდომარე, მისი არყოფნის შემთხვევაში კი – თავმჯდომარის ერთ-ერთი მოადგილე.

მუხლი 46.

1. სტუდენტურ თვითმმართველობაში დასახული მიზნების აღსრულებისათვის შექმნილია შემდეგი დეპარტამენტები:
 - ა) განათლებისა და მეცნიერების;
 - ბ) კულტურის;
 - გ) სპორტის;
 - დ) ტურიზმის;
 - ე) სტუდენტის უფლებათა დაცვის.

მუხლი 47.

1. განათლებისა და მეცნიერების დეპარტამენტი გეგმავს და აწყობს დებატებს, დისკუსიებს, ტრენინგებს, ინტელექტუალურ თამაშებს, კონფერენციებს და სხვა საგანმანათლებლო-სამეცნიერო ღონისძიებებს.

მუხლი 48.

1. კულტურის დეპარტამენტი გეგმავს და აწყობს თეატრალურ, კულტურულ, შემოქმედებით და კანონით ნებადართულ სხვა ღონისძიებებს, აგრეთვე შეხვედრებს სტუდენტური საზოგადოებისათვის სასურველ პიროვნებებთან.

მუხლი 49.

1. სპორტის დეპარტამენტი აწყობს შეჯიბრებებს, ჩემპიონატებს სპორტის სხვადასხვა სახეობებში, თანამშრომლობს სპორტის დეპარტამენტთან, აგრეთვე ცალკეულ სპორტის სახეობათა ფედერაციებთან და ახორციელებს კანონით ნებადართულ სხვა ღონისძიებებს.

მუხლი 50.

1. ტურიზმის დეპარტამენტი გეგმავს და აწყობს ლაშქრობებს, ექსკურსიებს, სტუდენტთა დასვენებისა და განტვირთვისათვის საჭირო, კანონით ნებადართულ სხვა ღონისძიებებს.

მუხლი 51.

1. სტუდენტის უფლებათა დაცვის დეპარტამენტი შედგება სტუდენტური თვითმმართველობის გენერალურ ასამბლეაში წარმოდგენილი საინიციატივო ჯგუფების და სტუდენტური ორგანიზაციების თითო წარმომადგენელით, ასევე დეპარტამენტში შესაძლებელია წარმოდგენილი იქნას არადელეგატი სტუდენტი და მას აქვს სათათბირო ხმის უფლება
2. სტუდენტის უფლებათა დაცვის დეპარტამენტი განიხილავს სტუდენტის მიმართ სასწავლო პერიოდში არსებულ პრობლემებს და ახდენს რეგირებას;
3. თვითმმართველობის საფაკულტეტის საბჭოსთან ერთად უზრუნველყოფს სწავლებასთან დაკავშირებით სტუდენტური ინიციატივების ლობირებას უნივერსიტეტის ფაკულტეტის საბჭოში.
4. წარმომადგენლობით საბჭოში შემავალ სტუდენტებთან კოორდინაციაში უნივერსიტეტის წარმომადგენლობით საბჭოს წარუდგენს სხვადასხვა ყოფითი (ინფრასტრუქტურულ, მატერიალურ-ტექნიკურ და სხვა) ტიპის პრობლემებს გადასაჭრელად.

თავი XI

სტუდენტური თვითმმართველობის სამსახურები

მუხლი 52.

1. სტუდენტური თვითმმართველობის საქმიანობის ორგანიზებისა და უკეთ განხორციელების მიზნით სტუდენტურ თვითმმართველობას აქვს სამი სამსახური:
 - ა) საზოგადოებასთან ურთიერთობის სამსახური;
 - ბ) საერთაშორისო ურთიერთობების სამსახური;
 - გ) დასაქმების და პროფესიული განვითარების სამსახური

მუხლი 53.

1. საერთაშორისო ურთიერთობების სამსახური წარმოადგენს სტუდენტურ თვითმმართველობას უცხოეთის უმაღლესი სასწავლებლების სტუდენტურ ორგანიზაციებთან და საერთაშორისო სტუდენტურ გაერთიანებებთან;
2. საერთაშორისო ურთიერთობების სამსახური შედგება ამ სამსახურის უფროსის, მისი მოადგილეებისა და წევრებისაგან, რომელთა უფლებამოსილებაც განისაზღვრება ამ დებულებით;
3. სტუდენტური თვითმმართველობის საერთაშორისო ურთიერთობათა სამსახური:
 - ა) თანამშრომლობს სტუდენტურ ორგანიზაციებთან;
 - ბ) თანამშრომლობს საერთაშორისო სტუდენტურ გაერთიანებებთან;
 - გ) თანამშრომლობს უნივერსიტეტის საგარეო ურთიერთობათა დეპარტამენტთან;
 - დ) გეგმავს საერთაშორისო სტუდენტურ ღონისძიებებს;
 - ე) ხელს უწყობს უნივერსიტეტის სტუდენტური თვითმმართველობის პოპულარიზებას საერთაშორისო დონეზე;
4. საერთაშორისო ურთიერთობათა სამსახურის უფროსს, მის მოადგილეებსა და წევრებს ნიშნავს თვითმმართველობის პრეზიდენტი;


მუხლი 54.

1. საზოგადოებასთან ურთიერთობის სამსახური უზრუნველყოფს სტუდენტური თვითმმართველობის საქმიანობის შესახებ ინფორმაციის მიწოდებას სტუდენტებამდე და დაინტერესებულ პირებამდე
2. უზრუნველყოფს მედიასთან ურთიერთობას
3. ახდენს სტუდენტების ინფორმირებას თვითმმართველობის მიერ დაგეგმილ ღონისძიებების შესახებ

მუხლი 55.

- დასაქმების და პროფესიული განვითარების სამსახური უზრუნველყოფს:
- ა) სტუდენტების სტაჟირებებს კლინიკებში
 - ბ) სტუდენტების მონაწილეობას ზაფხულის და სამთრის სკოლებში
 - გ) სტუდენტების ხანმოკლე და გრძელვადიან დასაქმებაში ხელშეწყობას
 - დ) სხვა ტიპის პროფესიულ და საგანმათლებლო პროექტებში ჩართულობას

სტუდენტური თვითმმართველობის პრეზიდენტი:



კ. აბულაძე

13.03.2014